

مُشَاطِقَتُ

در سعادتده باب عالی جوارنده
دائرة مخصوصه
مجل اداره :

مسلکده موافق آثار جدید مع المنون
قبول اولنور
درج ابدلته بن آثار اعاده اولنور
اخطار :

دین، فلسفه، علوم، حقوق، ادبیات و سیاسیات و باطامه کرم سیاسی و کرم اجتماعی و مدنی احوال و شئون اسلامیه و به بحث ایدر و هفته ده بر نشر اولنور.

در سعادتده نسخه سی ۵۰ پاره در

صاحب و مؤسسلری :
ابوالعلا زین العابدین - ح . اشرف ادیب

آبونه بدلی

سنه لکی

عماک عثمانیه ایچون	۶۵	۳۵	غروش
روسیه	۶۵	۳۵	روبله
سائر ممالک اجنبیه	۱۷	۹	فراق

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی
۲۰ غروش فضله آلنیر

در دنجی جلد

۲۶ شعبان ۳۲۸ پنجشنبه ۱۹ اغستوس ۳۲۶

عدد : ۱۰۴

نفسیه شریف

انوار قرآن

۶ - ان الذین کفروا سواء علیهم ءانذرتهم ام لم تنذرهم لا يؤمنون .

[نموت کمال ایله متصف اولوب حالا و مالا مطلبلرینه نائل اولان اصفیای عبادک احوالی آیات سابقه ده ذکر اولدقدن صکره شمدی ده انلرک ضدی اوله رق هدایت و ارشاد کندیلرینه نفع ویرمز و آیات و نذر ایله متنصح اولماز اولان کفره متمرده نک احوالی ایضاح اولنیور ، بیوریلیور که [کفر اوزره اولانلری [حبیم] انذار ایتش می سین انذار ایتماش می سین انلره کوره مساویدر ، ایمان ایتزلر [اولهب، ابوجهل، ولید بن مغیره و امشالی ایله احبار یهود کی کفره معلومه یی و یا خود کفرلرنده اصرار و تمادی ایدن کافرلری ها عذاب و عقاب الله ایله تخویف ایتش سین ها ایتماش سین انلرک عندنده سیاندر، هر نه یاپسه ک هر نه سوبلسه ک انلر ایمانه کلزلر .]

جناب حق رسول اکرمه بیان بیوریور که خلق ایچنده قرآن کریمه ایمان ایتماش انلرک بولنسی کتابک هدایت و ارشادی حقنده بر عیب و تقصیر دکلدنر، غیب انجیق اومقوله لرده در ، زیرا کتاب الله بر هدایت اولوب انلرک هدایات طبعیه دن اعراض و تعامی ایتش اولدقلری کی بوندن ده اعراض و تعامی ایتشلردر . بوکلام الهیده اهل حقه تسلیت

واردر ، شوخالده سرور اهل حق اولان رسول اکرم افندمزه ده تسلیت اوله جنی اولویته قالدور - ع .
کفر ، لغتده ، ستر نعمت دیمکدر ، اصلی کافک فتحیه کفر در که مطلق ستر معناسنه در . [کفیل غیث انجیب الکفار نبأته] آیت کریمه سننده اولدینی کی زارعه کافر اطلاق اولنسی بومعنایه مبنی در ، زیرا چفتجی تخمی طوپراق ایله ستر ایدیور . ینه بومعنایه مبنی در که لسان عربده کیجه یده [کافر] دینور ، چونکه کیجه ظلمتیه الوان و اشیا یی ستر ایدر .

اصطلاح شرعه کفر: رسول اکرم صلی اه علیه وسلم افندمزه من طرفاه کتوردیکی بالضروره معلوم اولان شیلری انکار ایتک معناسنه در . بناء علیه مثلاً صلاة و صوم ایله حجک و جوبی وزنا ایله خمرک حرمتی کی دین احمدیدن اولدینی تواتراً معلوم اولان احکامی انکار ایدن کافر اولور ، فقط احکام اجتهادیه یی و روایت آحاد ایله ثابت اولان اموری انکار ایدن کافر اولماز ، ضرورت یوق ایکن [غیار] کییمک و [زنار] قوشانمق کی امورک کفر عد اولنسی ایسه بونلر حد ذاتنده کفر اولدینی ایچون دکل ، بلکه تکذیبه دلالت ایتدکری ایچوندر ، زیرا بر سبب وداعی بولنمدیفندن رسول اکرم افندمزه تصدیق ایدن کیسه بوکی حالاته جراثیب اولماز قسش . غیار : غینک کسریله نصاریه مخصوص سرپوش معلومدر . زنار : برنوع قوشاقد که قتولک روحانیلری بندمیان ایدرلر .

بو آیت کریمه ده بیان بیوریلان کفر ، کتاب منزک من عنده اولدینی تصریح ایلدیکی شیئی یا خود کتابک کندینی و یا خود کتابی کتورمش اولان رسول اکرمی انکار ایتک دیمکدر . خلاصه دیندن

اولدینی بالضروره معلوم اولان شیئی انکاردن عبارتدر. ایشتمدک که صحابه و سلف رضی اه عنهم حضراتندن هیچ بری بوندن بشقه بر شیدن طولای بر فردی تکفیر ایش اولسون. ایمدی دینه اسناد اولنوبده دیندن اولدیغه دأر علم حد ضرورته واصل اولیان بعض اشیایی، یعنی سندی کتاب اللهک سندی کبی قطعی بولمیان شیلری انکار ایدن کیمسه کافر عد اولماز، مکرکه انکار ایله مقصدی نبی محترم صلی اه علیه وسلم افندمزی تکذیب اوله. شو حالده بر منکرکه استناد ایلدیکی بر شبهه سی اولورسه تکفیر ایدلز. حال بویله ایکن متأخریندن بر طاقلری، بعض ظنیاتی تأویل ویاخود حقنده اجتهاد سبق ایش امورندن بر شیئه مخالفت ویاخود بعض مسائل خلافیه بی انکار ایدن کیمه سی تکفیره جرأت ایدوب خلقی ده بو امر عظیمه جرأت ایتدیردکارندن خلق تکفیرده اوقدر ایلرویه کتدیلر که حتی بعض عاداده کتدیلرینه مخالف بولنانلری بیله تکفیر ایدر اولدیلر، ولوکه مخالفی تکفیر ایلدکلری او عادتله بدع محظوراتدن اولسه بیله.

کافرلر قسم قسمدر. بر قسمی واردر که حتی بیلدیکی حالده عناداً انکار ایدر. بو قسم اقل قلیلدر و ثابت و پایدار دکلدز. عصر نبویده مشرکین و یهوددن بر طائفه بو قسمدن ایدیلر، چوق سورمدی منقرض اولدیلر. [شیخ محمد عبده مرحوم دیورکه: بن بو معنایه دأر حفظ اولمغه شایان بر سوز سویلش ایدم، اوده بودر: حتی بیلهرکه انکار ایلك عالمده یقین کبی درکه هر ایکسی ناسده قلیلدر].

دیگر قسمی بودر که حتی بیلمز و بیلمکده ایسته مز. ایشته بونلر حقنده در که حق جل و علا حضرتلری [ان شر الدواب عند الله الصمم البکم الذین لایمقلون. ولو علم الله فہم خیراً لآ سمعہم ولو آسمعہم لکتوا و ہم معرضون] بیورمشدر.

بونلر او کیمسه لردر که منادی حق نه زمان انلرد ندا ایتسه اورکوب طاغیلورلر، اعراض واستکبار ایدرلر. بونلرک درونلرنده حق شعور و ادراک واردر؛ فقط نه وقت شعاع حق کندیلرینه لمعان ایتسه درونلرنده بر تترمه حس ایدرلر. بونک سبی حق فہمده نظر لرینی استعمال ایتاملری و فہم حق ایچون نظرلرینی استعمال ایدرلرسه خیر صاندقلری شیلردن بری کندیلرندن نقصان اوله جقدر دیه خوف ایتلری و خبری کندی آباء و ساداتلرینی سالک بولدقلری عقائده مربوط ظن ایتلری در.

بو ایکی فرقه دن هر برینه نسبت ایله انذار و عدم انذار فی الواقع مساویدر. نوری بیلوب طور رایکن بغض و عنادندن ناشی اندن اعراض ایدوبده نوری کور مامک ایچون کوزلرینی یومش اولان کیمسه یه نورک نه فائده سی اولور وانک اعراض ایلسندن نوره نه عیب کلور؟ و فساد طبعی و سوء تربیه سی کندیسی نوردن ابعاد ایدرک یراسه کبی انی ظلمت ایله مألوف ایش اولدینی جهتله نوری نه طنائیش ونه طنائیق ایسته مش اولانلردنخی نورک فائده بخش اولمسی مأمولی در؟ بناءً علیه بو ایکی فرقه دن هیچ برینک ایمانی مأمول دکلدز - ع.

کر نه بیند بروز شیره چشم
چشمه آفتاب را چه کنه

راست خواهی هزار چشم چنان
کور بهتر که آفتاب سیاه

سعدی

انذار، مطلقاً تخویف معناسنه در. بوراده عذاب و عقاب الهی ایله تخویف مراددر. آیت کریمه ده کفره مرقومه یه نسبت ایله انذارک عدم نفعنه قصر کلام ایدیلورده تبشیرک نفی اولوب اولیه جنی ذکر اولنیور. سبی آنلرک تبشیره اصلاً اهل اولمالریدر و برده انذار دفع ضرره مؤدی اولوب دفع ضرر ایسه جلب منفعتدن اهم اولدینی جهتله انذارک قلبه تأثیری دها شدتلی اولدیغه و انذارک تأثیری دها شدتلی اولدینی حالده آنک نفی اولمینجه تبشیرک نفی اولیه جنی اولویتده بولندیغه مبنی انذارک عدم نفعندن تبشیرکده فائده سی اولمینی بطریق الدلاله معلوم اولور، نته کیم [ولا تقل لهما اف] قول شریفندن مستفاد اولان حرمت تأییددن ابونک حرمت ضرب و شتمی معلوم اولدینی کبی - ق س ش.

[أأذرتهم أم لم تنذرهم] قول شریفنده همزه ایله [أم] کلمه سی، هم معنای استفهامی و هم مدخوللری آره سنده معنای تساوی بی جامع ایسه ده صرف معنای تساوی به دلالت ایتک ایچون معنای استفهامه دلالتدن تجرید اولمشلردر. یعنی بواسلوب قدسی امثالی اسالیبده مقصد، شو ایکی کلمه نک مدخوللری بیننده تساوی بولندیغنی بیاندر، ها بویله ایش سین ها شویله ایش سین ایکسی ده بردر دیمکدر، معنای استفهام مقصود دکلدز. بونک نظیری [استغفر لهم اولا تستغفر لهم] نظم جلیلی در؛ بونظم جلیله امر ونهی صیغه لری معنای امر ونهیدن تجرید ایدلشلردر. آنلر ایچون ها استغفار ایش ها استغفار ایتامش سین، سیاندر دیمکدر، امر ونهی معناری مقصود دکلدز.

مبحث تکلیف مالا یطاق

بو آیت کریمه تکلیف مالا یطاقی تجویز ایدنلرک احتجاج ایتدکلری مواضعندز. بونلر بونظم جلیل ایله مدعالرینه ایکی وجه ایله استدلال ایدرک اوله دیدیلر که جناب حق کفره متمردینک ایمان ایتیه جکلرینی بو آیتده خبر ویردی.

حالبوکه آنلرده ایمان ایله مکلف اولدقلرندن اکر ایمان ایده جک اولسه لر، کندیلرینک ایمان ایتیه جکلرینه دأر طرف رب عزندن وقوع بولان شو اخبارک حاشا خبر کاذب، و ایمان ایتیه جکلرینه متعلق علم الهی نک حاشا جهل اولمسی لازم کلور. ذات اجل اعلی حقنده ایسه کذب ایله جهلدن هربری محال، و محالی استلزام ایدن شیکده محال اوله جنی بدیهی بولندیغه مبنی کفره متمردیندن ایمانک صدوری محال ایکن آنلرک ایمان ایله مکلف اولمندن محال و مالا یطاق ایله تکلیفک وقوعی نمایان اولور. ثانیاً دیدیلر که جناب حق بر طرفدن

اختیار یله یابدینی شیشی ذات الوهیتک خبر ویرمسی کی بر شیشک وقوعی و یا خود عدم وقوعی اخبار ایتک مکلفک سلامت آلات و اسباب معناسیجه قدرتی نفی ایتیه جکندن کفره متمر دینک ایمان ایله مکلف طوتلری حد ذاتده مستحیل دکلدر . کفره متمر دینک مکلف اولدقلری ایمان ، قرآنک ناطق اولدینی شیلرک تفاسیلنه ایمان اولیوب بئکه رسول اکرمک من عنده کتوردیکی شیلره اجمالاً ایماندن عبارت بولندیغندن مستمر ایمان ایتیه جکلری شیلره ایمان ایتک ایله کندیلرینک مکلف اولملری ده لازم کلز و بو حالدله انلره نفی و انباتک بیننی جمع ایتلری تکلیف ایدیشده اولماز . هم برده آیت کریمه ده کی اسم موصول کندیلرینه عائد اولدینی انلرجه معلوم دکلدر - س . خلاصه الخلاصه ، علم و اخبار الهیدن قطع النظر کفره متمر دینک ایمانی قبول ایتلری ماده تحت قدرت و استطاعتلرنده اولدیغندن انلری بو اعتبار ایله ایمانه دعوت تکلیف مالایطاق دکلدر . بونلرک ایمان ایتیه جکلری اخبار الهی ایله ثابت ایکن کندیلرینه ایمان تکلیفی ، بهانه ایده جک سوزلری قالمسون و رسول اکرم افندمن فضیلت تبلیغی احراز ایلسون ایچوندر . صکره دن ظهور ایتش اولان اهل زیغ و ضلالک شبهاتی رد ایچون علماء دین حضراتی بو مقامی ذکر اولنسان وجه ایله تدقیق و شرحه مجبور اولمشلردر .

شیخ محمد عبده مرحوم بو آیت کریمه بی تقریر ایلدیکی انشاده بر سائلک : آیت تکلیف بالمحالدله نصمی در؟ دیه ایراد ایلدیکی سؤاله جواباً : خیر .. دیدکدن صکره شووجه ایله بسط مقال ایلش : بن تفسیر قرآنده مسائل خلافیه بی جمع ایتک ایسته م ؛ ایسترم که صهابة کرام رضیاه تعالی عنهم حضراتنک فهم ایتش اولدقلری معنای بیان ایدیم ؛ بو آیتده تکلیف بالمحال اولوب اولدینی ایسه انلردن هیچ برینک خاطرینه کلز ایدی . هم برده بین الاثمه و حتی بین الامه متفق علیهدر که تکلیف بالمحال واقع دکلدر و کتاب عزیزده مصرح اولوب احادیث نبویه ایلده مؤید بولندیغنی اوزره جناب حق هیچ برنفسه وسع و طاقتی خارجنده هیچ برشی تکلیف ایلز . بو اتفاقدن متباقی مواضع خلاف ایسه کتاب عزیزک نصوصنه تماس ایتز ، او کتاب عزیزکه حقنده [لایاتیه الباطل من بین یدی و لامن خلفه تنزیل من حکیم حمید] وارد اولمشدر انتهى .

۷- خَتَمَ اللَّهُ عَلَى قُلُوبِهِمْ وَعَلَى سَمْعِهِمْ وَعَلَى أَبْصَارِهِمْ غِشَاوَةً وَلَهُمْ عَذَابٌ عَظِيمٌ

[انذارک آیت سابقه ده ذکر اولنانلره نفی اولدیغنیک سببی ایضاح مقامنده بیوریلور که] الله [جل شانہ] انلرک قلوبنی و سمعلرینی مهرله دی [بونلر سوء اختیار لریله کفرده تمادی و اصرار ایلدکلرندن جناب حقده کندیلرینی لطفندن محروم ایدوب قلوبلرینی و قولقلرینی طیقادی ، بر درجه ده که قلوبلرینه حق و خیری فهم ایتک نفوذ ایتز ، قولقلرینه نداء حق واصل اولماز اولدی . کویا که قلب و سمعلری

کفره متمر دینی ایمان ایله مکلف طوتدینی حالدله دیگر طرفدن آنلردن وقوع ایمانک استحاله سنی بیان بیورمسنه ، بو بیان الهی یه ده ایمان ایتلری لازم اولدیغنه نظراً بو حال کندیلرینه نفی و انبات بیننی جمع ایتلرینی تکلیف دیمک اوله رق حد ذاتده محال بولمقله بوضورت دخی تکلیف بالمحالك وقوعی و بطریق الاولى جوازینی اثبات ایدر .

تکلیف مالا یطاق تجویز ایدنلرک شوایکی وجه ایله استدلاللرندن آنلرک کرک لذاته و کرک لغیره اولسون علی الاطلاق ممتنع ایله تکلیفک وقوعنه قائل اولدقلری ، و آیت کریمه بی ممتنع لذاته ایلده ده تکلیفک وقوعنه دلیل اتخاذا ایلدکلری منه هم اولور . لکن حق اولان بودر که احکام الهیه تفضلاً و احساناً حکم و مصالح عبادی تضمن ایدرسده علل و اغراضدن هیچ برشینی و علی الخصوص مکلفک مأمور بهه امتثالنی اقتضا ایتدیکندن لذاته ممتنع ایله تکلیف عقلاً جائزدر ، و انحق استقرایه و برده [لایکلفاه نفساً الاوسعها] نظم شریفه مبنی لذاته ممتنع ایله تکلیف واقع دکلدر . واقعا آیت کریمه تکلیف بالمحالك وقوعنه دلالت ایدیورسده او محال لذاته ممتنع دکل بئکه ممتنع بالغیردر ، چونکه مکلفین کندیلرینه لازم کلن شیشی ادا ایده بیلملر . یچون سلامت آلات و اسباب معناسیجه بر قدرته مالک اولملری لابددر ؛ کفره متمر دین ایسه بومعناجه قدرته مالک اولوب بونلکه ایمان مکلف بهی تحصیل و اکتسابه مقتدر اولدقلرندن انلرک ایمان ایله مکلف طوتلری حد ذاتده مطاقدر ، لکن کندیلرندن ایمان صدوری علم و اخبار الهی نک حاشا جهل و کذب اولسنی مستلزم بولنسی اعتباریله ممتنع اولوب بوامتناع ایسه امتناع بالغیردر .

تکلیف مالایطاق خصوصنده خلاصه مبحث بودر که جههور محققین : ایکی ضدک بیننی جمع ایتک و قدیمی معدوم قلمق کی لذاته ممتنع اولان شی ایله تکلیف جائز اولدیغنه قائل اولدیلر ؛ شیخ اشعری حضرتلری بونک جوازینه ، فقط عدم وقوعنه ذاهب اولدی . ممتنع لغیره ایله تکلیفه کلتیجه ، بو تکلیف عندالجههور غیر واقع و عندالاشعری واقعدر . اما عصاتک طاعتنه و کفره نک ایماننه متعلق بعض تکالیف کی جناب حقت عدم وقوعی بیلدیکی و یا خبر و یردیکی شی ایله تکلیف بالاجماع واقعدر .

انذارک کفره متمر دینه تأثیر و نفی اولدیغنی رسول اکرم صلیاه علیه وسلم افندمن بیلدیکی حالدله انلری انذار بیورمسی ، بهانه ایده جک سوزلری قالمسون و ذات نبوتناهلری فضیلت تبلیغی احراز بیورسون ایچوندر . بو نکته یه مبنی در که [سواء علیهم] بیورلیدی ده [سواء علیک] دینلمدی ؛ چونکه انذار ایله عدم انذار متمر دین حقلرنده مساوی ایسه ده نبی محبتی علیه افضل التحایا افندمن بوانذار ایله فضیلت تبلیغی احراز بیوردقلرندن ذات رسالتا بلرینه کوره مساوی دکلدر . ق س ش .

حق اولان بودر که احکام الهیه اغراض و علی و لاسیما مکلف بهه امتثالنی مستدعی اولدیغندن لذاته ممتنع ایله تکلیف کرچه عقلاً جائز ایسه ده استقرایه نظراً غیر واقعدر . جناب حقتک ایشله دیکی و یا خود عبدک

مهر نمشد [کوزلری اوزرنده غشاوه واردر] انفس و آفاقه
بث اولنش اولان آیات کونیه انلرک کفرده تمادی واصرارلری
حسیله کوزلرینه کورنمز ایدلری، بر صورتده که کویا کوزلرینه
برده چکلمشد [انلر ایچون عذاب عظیم واردر] کفرده تمادی
واصرارلرندن ناشی انلر ایچون پک شدیدالام عقاب واردر] .

(ختم) مهرله مک معناسنه در. (قلوب) قلبک جمعی اولوب بعض مفسرین
کرام طرفندن بیان ایدلدیکی اوزره بوراده قلوب ایله مراد عقولدر.
(سمع) قوه سامعه نکه ادراک اطلاق اولندیکی اوقوتی حامل اولان
عضوه یعنی قولاهده اطلاق اولنور؛ ایلك اول عضوه مهرلندیکی
جهتله بومقامده مراد اودر. (ابصار) بصرك جمعی در؛ بصركه باصردنك
ادراک اطلاق ایدلدیکی کی اوقوتی حامل بولنان عضوه یعنی کوزده
اطلاق ایدیلور. ایلك اول برده کوزده چکلدیکندن بومقامده مراد اودر.
سمع ایله معنای جمع مراد اولدینی حلاله مفرد صیغه سیله ایراد
اولمسنك سببی بیان صدندده بعضیلری: سمعك اصلی مصدر اولوب
مصدر لرک شانی ایسه جمع صیغه سیله ذکر ایدلامك اولدینی سولشلسده
بصركده اصلی مصدر اولدینی جهتله بوقوله کوره انكده جمع صیغه سیله
ایراد ایدلامسی لازم کله چکندن بیان اولنان نکته یه پکده بر توجیه
صحیح نظریله باقیله میه جنی آشکاردر.

شیخ محمد عبده مرحوم ده شویله دیور: ادراک معقولاته عقلک
وجوه کثیره سی بولندیکی جهتله ادراک معقولاته ناس مساوی اولوب
وجوه ادراکده انواع تصرفله تصرف ایدلکارینه مبنی [عقل]
جعلندی. فقط اسماع ناس ادراک موعاتده بری برینه مساوی
اولوب عقولک ادراک معقولاته کی تشعبی کی تشعب ایدلکندن
[سمع] انك خلافتدر. [ابصار] ایسه تشعبده عقول کی در
وادراک معقولاته عقوله پک بیوک معیندر، چونکه اشکال والوانه
دائر بر جوق انواع بصرات بولندیگندن ابصار عقله بر جوق ماده لر
ویرر. حالبوکه سمع یالکیز صوتی ادراک ایدر وسوز نقل ولندیکی
زمان انده طرق علم یقیندن اوله رق تواتردن بشقه بر طریق یوقدر.
الحاصل عقول و ابصار بر جوق مدرکاته تصرف ایدلرینه نظراً کویا
تعدد ایتش اولدقلرندن جعلندیلر، لکن سمع انجق بر شیشی ادراک
ادراک ایدلکندن مفرد اوله رق ایراد اولندی - انتهى .

بکا قالورسه سمعه دخی تفاوت بولنه رق ادراک معقولاته انكده
عقله پک جوق معاوتتی اولدینی کی ادراک ایدلکی صوتک تحتده
دخی بی پایان صنوف مسموعات و الحان بولندیکی تخطر ایدیلنجه سمعکده
جعلنسنی ایجاب ایدن حال موجود اولدینی زمان نمایان اولور.
طوغریسی بوقیلل توجیهات تعلیل بعد الوقوع اولوب شاید نظم جلیله
سمع جمع، ابصار مفرد اوله رق وارد اولایدی اوزمانده بشقه وادیده
مطالعات یوریدیلور ایدی. شو حلاله عبادت نسبت ایله ذوق فصاحت نه
طرزی اقتضا ایتش ایسه نظم شریفده او طرز اوزره ورود ایلشد
دیمک انسب مطالعات اولور ظن ایدرم .

غشاوه اورتومعناسنه در و طب اصطلاحده کوزعلتلرندن بین الاطبا

[سبل] دیمکله معروف علتک آیدر، بو برده در که رؤیته مانع و حائل اولور.
بوراده غشاوه تعامی مراددر. تفاسیرده بیان ایدلدیکی اوزره جاحدینك
قلوب وسمعی مهرنسی و کوزلرنده غشاوه بولنسی بولنده کی بیان الهی
بر نوع تمثیلدر که بوکا لسان ولغت آشنا و مالوفدر .

[ولهم عذاب عظیم] قول شریفده واقع [عذاب] لفظنك
تکیری تفخیم و تهویل افاده ایدلکی حلاله [عظیم] صفتی ایله ده
توصیف ایدلسی، کفره متمردين حقنده کی عذاب کتاً و کیفاً حد عظمته
بالغ اوله رق الهی شدید و زمانی مدید بولندیگنه دلالت ایدر. عجبا
بو عذاب دنیاده می، یوقسه آخرتده می... جناب حق دیگر بر آیتده
[لهم فی الدنيا خزی و لهم فی الآخرة عذاب عظیم] بیورمش اولدیگنه
نظراً بو آیت ایله دیگر آیاتدن، اسلامک هدایتندن و ارشاد ایدلکی
اصلاح معاش و معاددن اعراضک دنیاده جزاسنی ضیق معیشت و فقدان
عزو سلطنت و عقابده دخی جزاسنی عذاب مهین اولدینی معناسی
اخذ اولنور - ع .

برکت زاده اسماعیل حق

مصاحبه

بعض کره کوبری یه، غلطه ایله امین اوکنی یکدیگرینه ربط ایدن
اوخط وصل کهنه یه باقار، قبل الطوفان نوعی منقرض اولان ذوالمعاشرین
جنسندن بر غریبه خلقت کی ایکی ساحل آرسنه اوزانان او مطیة
هرم رسیده نك شمیدی یه قدر قاچ میلیون آباق ضربه سی یدیکنی
دوشونور ایدم. زوالی کوبری بو آباق ضربه لرندن بشقه احشای
بطییه سنه میقروبلرک استیلای نتیجه سی اوله رق هر سنه رمضان
ابتداسنده بر بحران مرضیده کچیر ایدی. بومرض کوبری ایچون
داخلاً داء ایسه ده خارجاً دوا مقامنه قائم اولوردی. چونکه بر سنه
ظرفنده یدیکی ضربات اقدام ایله سینه سنه آجیلان یاره لرده بو ائشاده
مرهم، یوزینه ده پودره سوریلیر ایدی. صانکه او شهر مبارک
کوبری ایچون هم تداوی، همده توال آتی ایدی. بو بحران
موقوتدن بشقه زوالینك باشنه دهانه قضالار، نه بلالر کلش ایدی.
خلیجک را کد، سخین صولرنده سحر وقتی طاتلی طاتلی او یورکن
دفعات ایله قابورغه کیمکیریمی قیرلمدی! هله صوک دفعه یدیکی ضربه
منه شه ایله وجود نحافت آلودی اورتسندن ایکی یه می آیرلمدی .

شجره انسابنه باقیلیرسه جسرجدیدمزنك جد اعلاسی مصر قدیم
ایمپراطورلغنك مؤسس اولان «منس» ک زماننده ساحه زیب وجود
اولمشدر. «منس» شهرینك بانسی طرفندن یر یوزنده کی کوبریلرک
برنجیسی اوله رق نیلک بر قوی اوزرنده انشا ایدیلن بو کوبرینك
تاریخ انشاسنه نظراً جسرجدیدمزن بش بیک او جیوزاللی سنه ک بر
عائله قدیمه نك فروع نخبیه سندن اولمقله مباحیدر. زادکانك خطوط
وجهیه لرنده منسوب اولدقلری عائله دن موروث بعض علامات میزه
واردر. ارباب وقوف بولنره باقنجه صاحبنك هانکی عائله یه منسوب